



**V**ilhelmus Vuernherus ex illustri familia comitum Cymbrensiū natus fuit. eum parentes ob felicem indolem honestè educarunt, & præceptoribus in bonis studijs informandum tradiderunt. In ijs is adeò profecit, ut etiam uiris doctissimis conferri potuerit. In primis autem antiquitatum erat studiosissimus, & res hæctenus apud Germanos incognitas in lucem reuocate conatus est. Id cum proceres Imperij cognouissent, eū Cameræ Imperialis Iudicem declararūt, anno millesimo quingentesimo quadragesimo. Erat enim multis uirtutibus et rara prudentia insignis. Hisce accedebat bonarum artium cognitio, & naturalis quædã

facundia. Itaq; Vuilhelmus magna laude per aliquot annos Iudicio Imperiali præfuit et res controuersas singulari dexteritate composuit. postea uerò eo onere liberatus ad paternas ditones redijt, & subditos magna clementia administrauit. Vbi etiam hodie ueneranda ætate conspicuus res abstrusas & antiquitate obliteratas restaurare solet, magno patriæ emolumento, ut meritò inter Germaniæ Heroicos uiros recensetur. Anon.